

Dydd Sul 23/1/22	9:45yb Cymun Bendigaid	5:00yh Hwyrrol Weddi ar-lein
Arwain	Mark	Mark
Blodau		
Cyfeilio	Aeron	
Darllen	Non	Menna
Darlleniadau	<i>Nehemeia 8: 1-3, 5-6,8-10; Romans 12: 1-8</i>	<i>Numeri 9: 15-23; 1 Corinthiaid 7:17-24</i>
Gweddïau	Michael	Jane
Lluniaeth	Tony a Jeff	
Pregethu	Mark	Enid M.

Dydd Sul 30/1/22	9:45yb Mawl y Bore	5:00yh Cymun Bendigaid ar-lein
Arwain	Philip	Mark
Blodau		
Cyfeilio	Aeron	
Darllen	Rheinallt	Mairwen
Darlleniadau	<i>Eseciel 43: 27 - 44: 4; Philippians 4: 2-9</i>	<i>1 Cronici 29:6-19 Ioan 4: 1-29a</i>
Gweddïau	Robert	Mair
Lluniaeth	Robert a Barbara	
Pregethu	Philip	Mark

23/1/22 6:00yh Gwasanaeth Unedig (Eglwys San Mihangel)
6/2/22 4:30yp Te i fyfyrwyr (Fenton)

Gweinidog:

Parch. Mark Ansell, Fenton, Maes y Frenhines, Aberystwyth, SY23 2HL. 01970 617184 eglwysfair@gmail.com (Diwrnod bant arferol: Dydd Gwener)

Gweinidogion eraill:

Parch. Ceï Rees, 01970 617184 cei@stmikes.net (Diwrnod bant arferol: Dydd Sadwrn)
Parch. Liz Rees, 01970 617184 liz@stmikes.net (Diwrnod bant arferol: Dydd Sadwrn)
Parch. Becky Evans, 01970 617184 becky@stmikes.net (Diwrnod bant arferol: Dydd Gwener)
Parch. Robert Wilkinson, 01970 617184 robert@stmikes.net (Diwrnod bant arferol: Dydd Iau)



**y Gair
y Groes
y Gymraeg**

23^{ain} o Ionawr 2022

9:45yb Cymun Bendigaid
5:00yh Hwyrrol Weddi ar-lein
Emynau: **114, 366**



Croeso i Eglwys y Santes Fair!

Diolch am ddod heddiw. Gobeithio eich bod chi'n gallu aros i gael paned gyda ni ar ddiwedd y gwasanaeth.



Cynhelir Ysgol Sul i blant a phobl ifanc am 9:45yb.

Mae system dolen anwytho yn yr eglwys. Trowch eich teclyn clyw i'r gosodiad pwrpasol.



Ein Nod

Yn Eglwys y Santes Fair... rydym yn **creu cymuned** sy'n **caru'n cymdeithas** er mwyn **cyflwyno Crist**.

Gweddï Eglwys y Santes Fair

Arglwydd Iesu, addewaist adeiladu dy eglwys. Felly, os gweli di fod yn dda, adeilada dy eglwys yn ein plith. Cymorth ni i ddyfnhau ein perthynas â thi, a chynyddu'r nifer o Gristnogion newydd sy'n addoli yma trwy gydol y flwyddyn, er mwyn dy anrhydedd yn yr ardal weinidogaeth hon. **Amen.**

www.eglwysfair.cymru



Eglwys y Santes Fair, Aberystwyth



@eglwysfair

Newyddion Teulu'r Eglwys

Gwasanaethau ar-lein

Mae gwasanaeth ar-lein am 5:00yh bob nos Sul drwy raglen Zoom. Bydd angen rhif y cyfarfod – sef 964 3320 1895 – a'r cyfrinair, sef 1588. Gallwch ymuno drwy ffôn hefyd: Ffoniwch - 0203 051 2874 ac wedyn rhwch rhif y cyfarfod, wedyn yr allwedd #, wedyn 1588 wedyn # eto.

Grŵp astudio'r Beibl

Rydym yn bwriadu cynnal grŵp astudio'r Beibl wythnosol yn ystod tymor y Garawys - mwy o fanylion yn nes ymlaen.

Un cam bychan ar fy nhaith drwy'r byd

Un cam bychan ar fy nhaith drwy'r byd
Pethau newydd ddaw i ni,
Gad im deithio'n llawen gyda thi.

*le, pethau newydd sydd yn dod i mi
Gad im deithio'n llawen gyda thi.*

Daw gwybodaeth newydd im o hyd,
Dysgu mwy a wnafr wrth fynd drwy'r byd,
Profiad newydd ddaw i mi,
Gad im ddysgu'n llawen gyda Thi.

Wrth im deithio heibio'r da a'r drwg,
Gad im deithio'n llawen heb ddim gwg.
Pan mae'r ffordd yn arw iawn
Teithio'n llawen gyda Thi a gawn.

Rho im gymorth pan mae'r byd yn gas,
Yn fy nghalon dyro Di dy ras.
Gwna fi'n llawen, gwna fi'n llon,
Gad im deithio'n hapus ger dy fron.

Diolchgarwch lanwo 'nghalon i

I'r Hwn a ddug fy nghur,
Fe blymiodd ddyfnder du fy ngwarth
Ces fywyd newydd, gwir;
Do, chwalodd felltith 'mhechod cas
A'm gwisgo yn Ei wawl,
'Sgrifennodd ddeddf cyfiawnder pur
Yn rymus ar fy mron.

Diolchgarwch lanwo 'nghalon i
I'r Hwn sy'n dal fy llaw;
Mae'n boddi'm gwendid trist â'i nerth
Diflannu wna pob braw;
Ei addewid Ef sy'n ddigon im
Wrth gerdded ar fy nhaith.
Â'i freichiau dwyfol mae'n fy nal,
Corona fi â'i ras.

Diolchgarwch lanwo 'nghalon i
I'r Hwn deyrnasa fry;
Ei ddoethineb yw fy nefol heddd,
A'i gariad yw fy mryd.
Pob dydd sydd imi dan y rhod
Y Brenin, Ef a'u rhoes.
Am hynny, rhoddaf innau f'oll
I'w ddilyn drwy fy oes.

Salm 19: 1-6

Mae'r nef yn adrodd mawr ogoniant
Duw,
A thraetha'r wybren waith ei ddwylo byw.
Byrlymu siarad y mae dydd wrth ddydd
A nos wrth nos am ei gyfeillach gudd.

Mud yw eu llais, ac nid oes ganddynt iaith
Na geiriau. Eto, drwy'r holl ddaear faith
Fe â eu sain, a chlyw eithafoedd byd
Sŵn eu lleferydd am ein Duw o hyd.

Daw'r haul o'i babell megis priodfab llon
Neu fabolgampwr cryf yn curo'i fron.
Amgylchu'r wybren y mae'i daith a'i des,
Ac nid oes dim yn cuddio rhag ei wres.

Romans 12: 1-8

Y Bywyd Newydd yng Nghrist

¹Am hynny, yr wyf yn ymbil arnoch, gyfeillion, ar sail tosturiaethau Duw, i'ch offrymu eich hunain yn aberth byw, sanctaidd a derbyniol gan Dduw. Felly y rhowch iddo addoliad ysbrydol. ²A pheidiwch â chydymffurfio â'r byd hwn, ond bydded ichwi gael eich trawsffurfio trwy adnewyddu eich meddwl, er mwyn ichwi allu canfod beth yw ei ewyllys, beth sy'n dda a derbyniol a pherffaith yn ei olwg ef.

³Oherwydd, yn rhinwedd y gras y mae Duw wedi ei roi i mi, yr wyf yn dweud wrth bob un yn eich plith am beidio â'i gyfrif ei hun yn well nag y dylid ei gyfrif, ond bod yn gyfrifol yn ei gyfrif, ac yn gyson â'r mesur o ffydd y mae Duw wedi ei roi i bob un. ⁴Yn union fel y mae gennym aelodau lawer mewn un corff, ond nad oes gan yr holl aelodau yr un gwaith, ⁵felly hefyd yr ydym ni, sy'n llawer, yn un corff yng Nghrist, ac yn aelodau bob un i'w gilydd. ⁶A chan fod gennym ddoniau sy'n amrywio yn ôl y gras a roddwyd i ni, dylem eu harfer yn gyson â hynny. Os proffwydoliaeth yw dy ddawn, arfer hi yn gymesur â'th ffydd. ⁷Os dawn gweini ydyw, arfer hi i weini. Os addysgu yw dy ddawn, arfer dy ddawn i addysgu, ac os cynghori, i gynghori. ⁸Os wyt yn rhannu ag eraill, gwna hynny gyda haelioni; os wyt yn arweinydd, gwna'r gwaith gydag ymroddiad; os wyt yn dangos tosturi, gwna hynny gyda llawenydd.